



Publicaziuns dalla vischnaunca, jamna 39

2015-1035.000

Datum dalla publicaziun: ils 25 da settember 2015

Il patrun: Martin Lutz-Derungs, Via Disla 23, 7180 Disentis/Mustér
Il representant: Martin Lutz-Derungs, Via Disla 23, 7180 Disentis/Mustér
Object: Vetrificaziun dil balcon e construcziun d'in tetg da ziaghels, parcella 1795,
Via Disla 23 7180 Disentis/Mustér

- Ils plans da construcziun ein deponi tier l'administraziun communal.
 - L'investa publica cuoza 20 dis dapi il datum dalla publicaziun.
 - Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.
- La protesta sto esser motivada e suttascretta dil recurrent ni da siu representant.

Disentis/Mustér, ils 21 da settember 2015
Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alineia 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2015 – 2076.000

Urs Manser, Maihofmatte 7, 6006 Luzern
Colurar las fatschadas dalla casa, parcella 386, Via Muschnas 1, 7186 Segnas.

Nr. 2015 – 2077.000

Othmar Lutz, Via Plaun Sut 16, 7180 Disentis/Mustér
Engrondir la finiastra existenta tier in esch (nova entrada tschaler), casa sin parcella 1858,
Via Plaun Sut 16, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla supras-tonza communal.

Uffeci da baghegiar Disentis/Mustér

Taxa da cumpensaziun da pumpiers 2015

Tenor art. 15 dalla lescha da pumpiers dalla vischnaunca da Mustér ein students ed emprendists entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata.
Nus fagein attents tut ils **students ed emprendists sur 21 onns** d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard **mesjamna, ils 30 da settember 2015** all'administraziun communal, caum postal 57, 7180 Disentis/Mustérnipere-mail(galbin@disentis.ch). Mocun ina confirmaziun a scret sa la deliberaziun vegnir risguardada. Gia ordavon grond engraziament per las breigias.

Administraziun communal Disentis/Mustér

Sera d'informaziun publica

Invitaziun

Mesjamna, ils 30 da settember 2015 allas 20.15 ha liug en halla Cons ina orientaziun publica davart las votaziuns communalas dils 18 d'october 2015.

Las votantas ed ils votants vegnan informai sur dalla contribuziun alla sanaziun dalla baselgia claustrala da sogn Martin sco era sur dils statuts dalla Regiun Surselva. Alla fin dall'orientaziun



vegn dau la pusseivladad da tschentar damondas.

Il messadi per la votaziun dil pievel obtenis Vus cun la documentaziun da votar. Plinavon ei el publicaus naven da venderdis, ils 25 da settember 2015 sin la pagina d'internet www.disentis.ch/Agenda.

A tuts interessai in cordial beinvegni a quell'occurrenza.

Suprastonza communal

Annunzias per la fiera Sogn Martin

La fiera da Sogn Martin ha liug uonn igl **gliendisdis, ils 9 da november 2015**.

Annunzias per stans da fiera ein da far a scret (e-mail: lpetridis@disentis.ch) entochen gliendisdis, ils 5 d'october 2015 agl uffeci da baghegiar.

Annunzias suenter quei termin san buca pli vegnir risguardadas.

Administraziun communal Disentis/Mustér

Referendum facultativ spirau

Ils 21 d'uost 2015 ha il cussegl da vischnaunca concediu unanimamein in credit da frs. 450 000.– per la planisaziun (projectaziun ed execuziun) per la sanaziun dalla casa da scola «nova» Cons e la piazza da scola.

Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschii vigur legala.

Suprastonza communal

Vischinadi Segna/Mompé Tujetsch

Invit

alla radunonza extraordinaria da dumengia, ils 4 d'october 2015 allas 20.15 en casa da scola Segnas.

Ttractandas:

1. beinvegni
2. elecziun dad in dumbravuschs
3. tractament poject da megluraziun
4. incaricas per far protesta
5. varia

Cordialmein envida

la suprastonza

Vischinadi Funs-Clavaniev

Invit

Preziadas vischinas, prezias vischins

La suprastonza dil vischinadi envida giuven e vegl ad in suentermiezdi da cumpignia. Nus serimnein **dumengia, ils 4 d'october 2015 allas 14.00** sil plaz avon l'ustria «Fravia» a Disla.

Program:

– 14.00 investa dil mulin, cascharia, resgia e fallun a Disla

– ca.16.00 marena en l'ustria «Fravia» a Disla che vegn offerida dil vischinadi

Nus selegrein sin ina stedia participaziun!

S'annunziar saveis Vus entochen sonda, ils 3 d'october tier:

Rita Huonder, tel. 076 559 44 74, e-mail: rita.huonder@bluewin.ch

Yvonne Flepp, tel. 081 947 50 35, e-mail: yvonne.flepp@kns.ch



Serrada dalla via Raveras

Durond las lavurs da construcziun dallas novas lingias da provediment sto la via vegnir serrada per scadin traffic naven dalla Via Lucmagn:

Prevedentamein naven dil venderdis, ils 25 da settember 2015 entochen l'entschatta october.

In'untgida ei pusseivla sur la Via Cavardiras e la Via dalla Staziun. Nus engraziein per Vossa capientscha.

Uffeci da baghegiar

Controla da habitonts

Mortori

Maria Ursula Dotti-Baumgartner, naschida igl 1. da settember 1924, morta ils 20 da settember 2015.

Rimnada da pupi

Venderdis, ils 9-10-2015

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30 e sondas (10.00–12.00).

Bien engraziament per Vies agid e sustegn!

Scolas Mustér, Ch. Berger

Unihockey Desertina Bulls

Temps da trenaments per Junior/as

Juniors U16, annadas 2000–2001

Mardis e gievgia 18.30–20.00 (vegn dau campinadi)

Juniors C, annadas 2002–2004

Gliendisdis 18.30–20.00 (vegn dau campinadi)

Junioras, annadas 2000–2004,

Gliendisdis (naven dils 28-9-2015)

18.30–20.00 (mo trenament)

Kids, annadas 2005–2008

Mesjamna (naven dils 7-10-2015)

18.30–19.30 (mo trenament)

Tut tgi che ha tschaffen duei prender la caschun e s'annunziar tier il proxim trenament el center da sport tier il responsabel d'equipa. Il club d'unihoc trenescha cun giuvenils ord tuttas regiuns naven da Sedrun e Medel tochen Glion. Nus selegrein sin mintga niev commember! Infos era sut www.desertinabulls.ch

Uniu da gimnastica da dunnas Mustér

Nossa uniu ha ina nova puschida: «Line-Dance» ina ga per meins.

Cu: **gievgia, ils 8 d'october, ils 12 da november ed ils 17 da december 2015**, allas 20.00 el Center da sport e cultura, Mustér.

Ulteriuras datas: suondan naven digl onn 2016. Nus envidein tuttas interessadas pil sault, mirei en la halla da gimnastica!

El num dalla suprastonza (tel. 079 672 50 46).



Frauenturnverein Disentis

Unser Turnverein hat ein neues Angebot: «Line-Dance» einmal im Monat

Neue Daten: **Donnerstag, 8. Okt., 12. Nov. und 17. Dez. 2015**, um 20 Uhr im Center da sport e cultura, Disentis

Weitere Daten: folgen im 2016. Wir laden alle Tanzbegeisterten ein, bei uns hereinzuschauen.

Vorstand: Uniun da gimnastica da dunnas Mustér, (Tel. 079 672 50 46).

Uniun samaritana Mustér

Cuors BLS-AED

L' Uniun samaritana Mustér organisescha il cuors da reanimaziun BLS-AED (Reanimaziun cun applicaziun dil defibrilatur automatic).

Datum: **Sonda, ils 10 d'october 2015**

Temps: 8.30–11.30/13.30–16.30

Liug: Casa da scola Mustér

Annunzias: Ein da far entochen ils 29 da settember 2015 tier Yvonne Flepp, telefon 081 947 50 35, e-mail yvonne.flepp@kns.ch

Schubergiar e rugalar igl apparat d'udida

Gliendisdis, ils 28 da settember 2015 saveis Vus schar schubergiar e rugalar Vies apparat d'udida:

9.15–10.15 en Casa sogn Martin a Trun

10.45–11.30 en Casa sogn Giusep a Cumpadials

13.30–15.15 el Puntreis, Center da sanadad a Mustér

Las firmas Amplifon ni Jäggi da Cuera e Glion, cun signur Arthur Jacomet, fan quei survetsch gratuitamein per tuts interessents. Ei drova negina annunzia

Cinema Salaplauna – Stallkino

Begegnungen auf der Milchstrasse (CH 2000)

Mesjamna, 7-10-2015 allas 19.30 a Salaplauna Disentis/Mustér

Milchbauern aus der Schweiz treffen auf Kuhbauern aus Mali – eine spannende Begegnung mit witzigen Gesprächen über die Kuh, die Milch und die Aufgabe des Bauern hier und dort. Wir begleiten die malischen Bauern bei ihrem Besuch in der Schweiz. Entrada libra, collecta. ab 18.30 Uhr Suppe und Kinobar

19.30 Uhr Livebericht über die Begegnung mit Kuhbauern Westafrikas, Tabea Baumgartner

20 Uhr Film: Begegnungen auf der Milchstrasse

Prevista

21-10-2015 Kühe, Käse und drei Kinder (CH 2014), allas 16.00 e 20.00.

18-11-2015 10 Milliarden – wie werden wir satt? (CH 2015), allas 20.00

Cordial beinvegni.

Center sursilvan d'agricultura, www.agricultura.ch

Colonna d'agid Mustér

Cuors da reiver per affons

Gia dapi biars onns oganisescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver vegn organisau duront 8 mesjamnas sera in cuors da reiver per affons dalla 2. entochen 5. classa.



Liug: halla da reiver el Center da sport e cultura, Mustér
Entschatta: mesjamna, ils 28-10-2015 entochen miez december 2015
2. entochen 5. classa, 17.30–19.00
Menaders: commembers dalla Colonna d'agid Mustér cun brevet giuventetgna + sport
Annunzias: entochen gliendisdis, ils 26-10-2015 alla Colonna d'agid Mustér,
Andri Hendry (tel. 081 947 62 02 ni e-mail: fam.hendry@bluewin.ch).
Segirada ei caussa da mintga participontA.

Colonna d'agid Mustér

Exkursion: Forscher im Sturmwald Vivian

Mittwoch, 30. September 2015, 17 Uhr ab Mompé Medel, Parkplatz

Warum ist der Sturmwald für die Forscher spannend? Was haben sie in den letzten 25 Jahren im Uaul Cavorgia herausgefunden? Und was bringen diese Resultate für die Zukunft?

17 Uhr Exkursion ab Mompé Medel, Parkplatz

Ab 18 Uhr Suppe, Alpkäse und Brot, Academia Vivian, Stagias

20 Uhr öffentliche Präsentation «Forscher im Sturmwald Vivian» mit Dr. Thomas Wohlgemuth, eidg. Forschungsanstalt WSL, Birmensdorf, Dr. Peter Bebi, WSL-Institut für Schnee- und Lawinenvorschung, SLF, Renaldo Lutz, AWN GR

Freier Eintritt. Shuttlebus 16.30 Disentis Salaplauna–Mompé Medel, 19.30 Salaplauna–Stagias via Curaglia (Anmeldung Bus: Tel. 079 720 20 41). www.academiavivian.ch.

Center da sport e cultura

Midada dil meinafatschenta per ils 1 d'october 2015

Cun l'entschatta october 2015 surpren il niev elegiu meinafatschenta *Herbert Schmelzer* il menaschi operativ dil Center da sport e cultura Mustér. El surpren il menaschi dad Umberto Zanin che va en sia beinmeritada pensiu. Umberto Zanin ei staus varga 20 onns al tgamun dil Center da sport e cultura ed ha menau quel duront quei temps cun bien maun. La cumissiun da menaschi engrazia grondamein ad Umberto Zanin per siu nunstunclentus engaschi duront ils davos 20 onns e selegra sin ina buna collaboraziun cun il niev meinafatschenta Herbert Schmelzer.

*Center da sport e cultura
Cumissiun da menaschi*

Fiasta d'affons – Kinderfest

Sonda, ils 3 d'october 2015 allas 13.00–16.30 dat ei bia da sedivertir sil bein puril claustral a Salaplauna, Mustér. Vegni al luvratori da lenna, a smincar, a zambergiar cun curom, a far ridas, a better cuppas, a far grondas borlas da savun ...

Allas 13.30, 14.30 e 15.30 saveis far viseta en nuegl tiels vadials e vegnir sissu dapli dil bein puril.

SpertutqueisurvibugenaVusbunas pettas,glatsch ,popcorn, latg, suc da meila, sirup, caffè ni era ina gervosa.

Sin Vossa viseta selegran la canorta d'affons Lumpazi ed il Center sursilvan d'agricultura.

www.lumpazi-cadi.ch e www.agricultura.ch.